

428 85.
DEO OPT. MAX. ET SANCTO LUCÆ,
ORTHODOX. MEDICORUM PATRONO.

QUÆSTIO MEDICA

MATUTINIS AGITANDA DISPUTATIONIBUS

IN SCHOLIS MEDICORUM

CELEBERRIMÆ CADOM. ACADEMIÆ,

PRO APOLLINARI LAUREA CONSEQUENDA,

PRÆSIDE M. NICOLAO POSTEL,

REGIO ET ORDINARIO MEDICINÆ PROFESSORE.



CADOMI,

Apud JOANNEM CAVELIER, Regis & Academiæ Typographum.

M. DC. LXXXV.

THE UNIVERSITY OF CHICAGO

LIBRARY

510 EAST 58TH STREET

CHICAGO, ILL. 60637

TEL. 733-4331

IN SCHOOL OF DISTANCE EDUCATION

CHICAGO, ILL. 60637

TEL. 733-4331

CHICAGO, ILL. 60637

TEL. 733-4331

CHICAGO, ILL. 60637

TEL. 733-4331

CHICAGO, ILL. 60637

TEL. 733-4331

CHICAGO, ILL. 60637

TEL. 733-4331

CHICAGO, ILL. 60637

TEL. 733-4331

CHICAGO, ILL. 60637

TEL. 733-4331

CHICAGO, ILL. 60637

TEL. 733-4331

Vtrum Peripneumonia hyberna *κατὰ τοὺς ἰατροὺς ἐξαιμονία?*

I.

PULMO spiritalis antlia, spongiosumque sanguinis & aëris conceptaculum, viscus est, si non princeps, saltem Patritium, & principibus affine. Res mollis & rara, innumeris cellulis, vel potius vesiculis mirâ arte contextitur. Distentionis & contractionis particeps, membranosus magis esse debuit, quàm carnosus census: certè nusquam minus sanguineum, quàm dum sanguinis est officina; non quidem sola, dantur enim plurimæ: at si cordi jungitur, cui societatis omni genere consentit, primaria. Nec enim ut cæteræ partes, vivificum nectar salis aut sulphuris alieni, vel alterius, utcumque proprii excrementi, puta phlegmatis, illuvie tantum *ἰδρωδὲς* repurgat, sed dum chylus continuo vætigali per ductus thoracicos in sanguinem confluit, eidem in pulmone exactè miscetur, & uterque liquor in unum subactus attollitur, spumescit, fervet: ut autem vinum, sic sanguis, & quid non fermentatione perficitur? Hæc enim naturæ virtus est, & magna potentia, quæ vitæ & mortis, sanitatis & morbi, generationis & corruptionis utramque paginam prorsus implet. Nihil tamen est aliud, quàm liber ignis & solutus, qui vel capitur ipse, vel captum solvit. Hæc verò aëris hauustu præsertim in pulmone fovetur, cujus contagione cruor tum floridiore purpurâ vestitur; tum verò spiritualefcit, & vitalis animæ flammâ accenditur.

II.

HIC est vitæ & caloris innati fundus, dum flos salis tenuissimus per aërem sparsus, cælestibus igniculis prægnans, tepefcit in ore, fervet in pulmone, & per universum corpus diffunditur, sulphureo-salinis sanguinis partibus inspirando mixtus, quarum concursu fermentatio vitalis in corde & pulmone jugiter absolvitur. Unde hominis *ψυχὴ αἰὲν φέται μίχεται γυνάται;* quia calor natus indefinenter excitatur &

fluit. Aëris ergo haustu non refrigeratur cor aut sanguis, nisi quatenus uterque modicè incalescit, & febris corpus non depasceitur. Ubi sal spirituosus & penetrabilis exhaustus fuerit, aër ejusdem ferè molis, sed effæctus, fuliginosus, vacuus, sine pondere, sine elatere, sui que cadaver, expirando rejicitur, in exitu linguae & laryngis modulamine, vox prætereaque nihil, nisi circumfusi spiritus pressione summam regionem conscendat, novo cæli influxu locupletandus. Ni faciat, ruit humana societas, tui meique altercationibus jam plus æquo labefactata: quanto enim acrius aëris quàm terræ tractus vindicabitur, si vitalis ejus virtus non refarciatur? Hæc est alterna motus partim proprii, partim alieni in pulmone reciprocatio; non cuivis, sed propriæ tantum, & sui juris vitæ coæva. Cessat enim in foetu, quia materno spiritu vivitur per umbilicum, qui tunc pulmo est; sicut in edito pulmo est umbilicus, per quem dias in luminis auras puer exceptus in vitam Universi radicitur. Tunc quæ larveii sphinx est, qui nonimestri toto transpirando vixerat, sic respirare cogitur, ut lucis & aëris usurâ ne momento vacet; alioqui σπῆρον vitalis intercipitur, & celebris perit illa periodus Hippocrati non ignota, quâ singulis horis duodecies circiter universus sanguis incudi redditur. Hujus εὐνομία vita est, & sanitas animantis; interceptio, mors; pigrities & mora, morbus quem describimus.

III.

PERIPNEUMONIA frequentius, πνευμονίς interdum simpliciter Hippocrati dicitur; ut quod nomen vulgus phthisicis tribuere solet, Præceptor sit tuberculum pulmonis, ubi calefactus aliquando bilem, sæpè sanguinem, plerumque verò pituitam attrahit, nec dimittit, id est ex circuitus humorum lege retinet. Triplex est ergo, eaque prorsus contraria peripneumonix causa antecedens. Inde quidem bilis, evectum sulphur, sanguinis incendiculum, fundens & colligans, promptioris & immodicæ fermentationis fomes, cui præceps concretio in pulmone succedit: hinc verò pituitæ odor lentus vesiculas pulmonis infarciens, ejusque alas quasi

visco irretiens. Inter utrumque sanguis ambigit, dum vel proprio interdum vitio peccat, & fusus supra modum incandescit; deinde verò potius vel aëris frigidioris illapsu, vel interni cujuslibet coaguli manifestâ vel occultâ aciditate concrevit: semper autem alieno nocet. A quâlibet enim circuitiōis remorâ naturali motu prohibitus, & in viscere sanguisorbo stagnans, brevi illud in immensum attollit, quando *ξυπραφῆ*, & *ξυμπαγῆ*. Hinc à causâ etiâ frigidâ, vel tantum obstruente, mille symptomatum terror, rigor scilicet, febris acuta, dyspnœa, sitis, tussis, *άλυσμὶς*, linguæ nigredo, sputum flavum aut cruentum, delirium, vomitus; ut, quod mireris, ferè par sit in hoc casu bilis & pituitæ acerbitas. Quippe locus hanc audacem facit, & quam feritatem humori crudo natura negat, pars affecta tribuit; scilicet ex sanguinis Euripo nobilior, quàm ut longas injurias & vitæ mala, *τέγνωσι* in primis diu multumque patiatur.

IV.

QUISQUIS ergo ex symptomatum sævitiâ morbi causas scrutabitur, impinget, & naturæ incandescentis nec se impunè in principatu opprimi patientis tumultus, humoris caliditati, acrimoniæ, & si diis placet, malignitati frustra plerumque assignabit. Bilis quidem orgasmus non est inane nomen; & quando datur, eo gravior, quo pungit acutius, sed rarò datur etiâ in calidâ regione; quanto rarius in frigidâ vel boreali. Bilem tamen à pituita, in peripneumonia distinguere, tanti est, quanti curare, vel interficere. Hinc nempe variat, immo opponitur *ἐνδειξις*: enimvero si bilis, vel sanguis in venis accensus tumorem calidum Hippocrati dictum pulmōni incutiat, utrumque cognosces, *ἀμφιδέξως* quidem, tum prædictis, tum majore caloris incendio, quando æger respirat *αἰθέρον*, & nares dilatat velut equus ex cursu; tum verò linguam exerit ut canis æstate, dorsumque & latera ardent, velut ejus qui sedeat ad ignem, & rubores exoriuntur velut à flamma, & morsus fortis incidit & *ἀπαρίη*. Sed concursus fiet *παθογνωμικός* ex aëris constitutione; unde *ῥῥόντι*, si morbus æstate *ἐν ὥρῃ* maximè fiat: tum verò si biliosus

αeger ὁξύθυμος, θερμολιός, ὀπίσθιος, γαχυμάσμενος, πυκνός; si venter σκληρός, κατὰ πυκνός, ἀτέραςμος; denique si in rerum non naturalium usu ad bilis proventum & intemperiem calidam inclinat. Tunc venæ sectio velut ἡγαμονικὸς summo jure debetur, non tantum ex cubito, sed ex naribus, lingua, & quâcumque corporis parte; alterantia sumpta & ad mota refrigerent; & ne conceptus sanguinis fervor ultra progrediat, vino tanquam veneno prorsus interdicatur; anacatharsis & transpiratio tanquam summum bonum omni arte procuretur, alvus clystere vel blando medicamento subducatur. Hæc bilis & sanguinis in pulmone furentis, medicina esto.

V.

CUM verò Juppiter hybernus, ut nuper, regnat, & canâ nive conspuit alpes; cum frigus diurnum & penetrabile ψυχρὸν ὑπὲρ ψυχρὸν, æris haustu rectâ sanguinem & pulmonem ferit, & interceptâ ζυμώσι, quod proprium est frigoris maleficium, ventriculi coctionem inquinat, cujus virtus naturâ, morbo, errore debilitatur; si desit ὄξυρεγμία, præcesserit αἰνοφλυγία, γαστριμαργία, κρεοφαγία, cujusdam piscis, vel cujuslibet edulii gelu rigentis ingluvies. Tum certè puitam, ex recenti & vernaculâ epidemicam fieri necesse est, & azymâ cruditate ventrem venasque repleri; cujus contagio sanguis prius ἐρυθρὸν ἢ εἰλικρινές, jam νοσῶδες, à pristini nominis officiique dignitate excidat, nec σπύρον, nec período vitali amplius sufficiens. Quapropter hyems suæ peripneumonix ferax est, cujus signa, ut dictum est, æstivæ signis plerumque alludunt: sed cave, ne te hæc specie deludant. Si enim utramque pari modo cures, vix miseris! tuo enim paralogismo citius peribunt, quàm analogismo liberentur. His plerumque in morbi insultu cum tussis vel spiritus urgere incipit, vel sputi cruenti terret epiphænomenon, prima vel altera phlebotomia Chirurgi πολυπράγματος facinus est, sed Medici τυχόντος assentatione brevi obtegendum. Is enim tandem accersitus, ter quaterve facile & magnum, sed anceps præsidium sine diorismo, sine vera indicatione præscribit; plus etiam ausurus, ni vulgi jam frementis rumor ab incepto

deterreat. Subsistit ergo, cùm non rarò pergere satius : nam sæpè largiori minùs, quàm mediocri detractiōe peccatur ; quippe illà, si vires valent, cum securitate universam morbi mineram detrahi contingit ; ægrosque adeo, tardius quidem, periculosius, nec sine recidivæ aut permutationis metu, sed tamen utcumque liberari. Sed mediocri venæ sectione quid proficitur, si corpus sit ἀγάρτοι ? πύματος ὁρμῶδης nulla sit αἰτιότης ; quinimmo in partem affectam ruit impensius, undecumque moveatur : adeoque omnia exacerbari necesse est, nisi in peripneumonia molli materiæ benignioris paucitas Medico succurrat inertī. Ut ergo in moribus, sic in Medicinā via media nulla est, quæ neque amicos parat, neque inimicos tollit. Quanto rectius Hippocrates saburrā ex ventre & venis, ipsiusque pulmonis confinio catharsi opportunā sursum deorsumque eliminat, nec Thapsiæ, nec Elaterio, nec Helleboro, multo minus Tetragono parcens, si res ægrotantis vel exigunt, vel patiuntur. Sic analogā & tempestivā evacuatione, plerumque morbus & symptomata solent obliterari, ut insperata salus ægrotantem & adstantes percellat. Si πύματος συνισαδὸς nonnihil supersit, tutā & facili, nec copiosā sanguinis detractiōe derivabitur ; vel αἰμοδὴς diaphoreticorum & cardiacorum usu leniter expirabit. In his modica θώρηξις præcipua est, hybernæ tempestati, morbisque, præsertim pectoris semper amica, hanc medicinā tutò, citò, & jucundè curandis.

Ergo Peripneumoniæ. hybernæ καὶ θάραξις ἡ γαμονιόν.

Hæ Theses proponebat EZECHIEL FRANCISCUS TRAIN,
Pontepiscopus, die Sabb. 17. Martii, A. R. S. H.
M. DC. LXXXV. ab horâ 8. matut. ad merid.